

Iuv. 3,190-210

Text Original:

Quis timet aut timuit gelida Praeneste ruinam	190
aut positis nemorosa inter iuga Volsiniis aut	
simplicibus Gabiis aut proni Tiburis arce?	
nos urbem colimus tenui tibicine fultam	
magna parte sui; nam sic labentibus obstat	
vilicus et, veteris rimae cum textit hiatum,	195
securos pendente iubet dormire ruina.	
vivendum est illic, ubi nulla incendia, nulli	
nocte metus. iam poscit aquam, iam frivola transfert	
Ucalegon, tabulata tibi iam tertia fumant:	
tu nescis; nam si gradibus trepidatur ab imis,	200
ultimus ardebit quem tegula sola tuetur	
a pluvia, molles ubi reddunt ova columbae.	
ultimus ardebit quem tegula sola tuetur	
a pluvia, molles ubi reddunt ova columbae.	
lectus erat Cordo Procula minor, urceoli sex	
ornamentum abaci, nec non et parvulus infra	
cantharus et recubans sub eodem marmore Chiron,	205
iamque vetus Graecos servabat cista libellos	
et divina opici rodebant carmina mures.	
nil habuit Cordus, quis enim negat? et tamen illud	
perdidit infelix totum nihil. ultimus autem	
aerumnae cumulus, quod nudum et frustra rogantem	210
nemo cibo, nemo hospilio tectoque iuvabit.	